

(Civil Jurisdiction)

Between: John Hawaliqa
(Complainant)

And: Anthony Roy
(Defendant)

Matter: Payment of Store debt in the sum of 8,00 vatu plus Costs 1,000

Coram: Justice Keith Hopkins
Justice Phillip Morres Tabe
Justice Reuben Selwyn

Clerk: Fredington Aru

Date of hearing: 04th June 2013

JUDGMENT


Case bitwin John Hawaliqa mo Anthony Roy hemi wan claim blong payment blong store debt. Complainant hemi claim se defendant Anthouny Roy hemi bin tekem wan (1) diving glass mo tu (2) buckets long store blong hem long March 2011 mo ino bin pemaot kaon ia. Hemi se hemi talem long defendant plante taem blong pemaot kaon blong hem be defendant ino mekem any effort nomo blong pem. So hemi stap apply ikam long Court blong I odarem defendant Anthony Roy blong pemaot kaon blong hem we hemi total blong 8.00 vatu. Debt claim ia plus cost blong tekem case ia ikam long Kot 1,000 vatu imekem wan total blong 1,800 vatu.

Issue blong Kot I lukluk long hem hemi, itru or no se defendant Anthony Roy hemi bin mekem kaon long store blong complainant. Sapose itru then issue blong Kot I determinem hemi hamas nao defendant Anthony imas pembak igong complainant.

Long Kot defendant iadmittim se yes itru, kaon hemi blong hem. Hemi talem se hemi stap mekem copra blong kasem smol money. Long wan trip blong mekem copra, hemi stap mekem about 8 bags. Defendant hemi talem se hemi no planem kava be bae hemi pemaot kaon ia tedei 04th June 2013.

Follem olgeta toktok ia, Kot I faenemaot se:


1. Kaon hemi blong defendant.
2. Defendant I mekem copra blong kasem money.
3. Defendant italem se bae hemi pemaot kaon ia tedei 04th June 2013



Wetem olgeta findings ia, Kot hemi stap oda se, application blong complainant hemi granted.


Kot i odarem defendant blong mas:

1. Pem 800 vatu olsem kaon blong hem long complainant.
2. Pem 1,000 vatu olsem cost blong tekem case ia ikam long Kot.
3. Go long prison blong tri (3) manis sapos hemi fail blong comply wetem ol odas ia.
4. Apil inside long 30 days sapos hemi no glad long decision ia.




DATED AT TOGA THIS 04TH JUNE 2013

BY THE COURT




Justice Keith Hopkins



Justice Phillip Morris Tabu





Justice Ruben Selwyn